

泰安州志卷之二

建置志

叙曰理冠而治履官不可兼也露處而聽民制不可式也觀建置者盍思建置之初指我故思締造則思敬其官矣思居處則思敬其身矣雖然泰今凋殘日甚災沴異常民居傾圮不可勝計唯是靈宇盤踞且艱於修舉遑他役乎吁是可以觀民力已作

泰安州志 卷之二

建置志

公署

州治在城東北隅岳牧堂州之政事堂也咨岳堂州之退食堂也咨岳堂左右有東西二庫其後即郡牧正宅堂之東為清軍廳州同知居之西為管糧廳判官居之又西為吏目衙正堂南有戒石亭今為坊東西為六房吏書廊西廊之後為羈工所所之前為囹圄戒坊





儀門東為土地祠又東為迎賓館則

鑿駕庫在馬大門之上為譙樓門外左旌善亭

右申明亭南有屏屏之南豎坊題曰齊南首  
郡又曰泰山之安萬曆三十一年知州任弘  
烈重修併更今名規模制作煥然一新州南  
百武為府館又百武為撫按行臺臺之左越  
會真宮為按察司布政司稍南為分守道後  
又一分司右惟太僕寺一署州東北儒學後

泰安州志

卷之二

二

為馬廩今廢州西二百武為惠民藥局局之

南為醫學學之西曰城隍廟

嘉靖壬辰重修  
學正李鎔記石

右為陰陽學望封門外里許為巡檢司又西

百武為演武廳廳前有金虜穿碑僧正司在

冥福寺道正司在岱廟預備倉在州治後漏

澤園在城西二里今有義倉在城隍廟東社

學在儒學門西皆知州任弘烈新建

按積貯國之大命而學校賢士所關自古重



之義倉設則凶年饑歲可恃以無恐社學  
者其古小學之遺乎易曰蒙以養正聖功  
也百世而下泰之民稱富且教者其在斯  
與其在斯與

壇壝

社稷壇

在州城西

風雲雷雨山川壇

在州城南

郡屬壇

在州

北城

按事神治民原非兩事故壇壝之設載在正

泰安州志 卷之二

三

典者有司歲時謹祀凡以禦灾捍患疇非  
為民若夫馨香感格實惟明德黍稷云乎  
哉

廟學

儒學在州治東其制前廟

中正殿東西兩廡前

啟聖祠西南宰後學

中明倫堂東西齋房號

衙及訓導衙各一東

創自宋開寶間金大定間

知州徐偉重建



國朝洪武元年同知陳文祐重修正統六年知州施守仁修建門堂齋廡天順六年知州李琪重修增翔書樓三楹今廢及書舍三十楹未備者知州張玘繼成之成化十五年學正任式移學路於廟東成化十八年知州賈宣增修又於廟學之南立射圃亭三楹成化二十二年知州胡瑄又市民地充拓學基遷殿廡堂齋於中稍北而深廣之又立科貢題名

秦安州志 卷之二

四

二碑於堂之左右嘉靖十年知州李收重修嘉靖三十一年叅議張旦委本州同知馬斯蘭重修嘉靖四十二年濟南府同知署州事翟濤創建名宦鄉賢二祠隆慶六年知州楊山拓地築山於學後辟路建屏於學前萬曆十七年郡人太保蕭大亨因敬一亭舊基改建尊經閣而

聖製諸碑咸列其中制度為之宏麗焉



按孔子至聖萬代瞻仰自非佛廬道宇諸叢  
祠可同類而並稱之故專志馬庶官於斯  
者知所重生於斯者知所自重治其有興  
乎

祠宇

嶽廟在州城西北隅風俗通曰岱宗廟在博縣  
西北三十里山虞長守之按岱嶽觀至元碑  
云嶽廟在嶽之南麓岱岳升元二觀前當為  
泰安州志 卷之二 五

漢址唐武則天篡唐時改今地或云宋改今  
地其後歷代廢興修葺詳具諸記石廟制堞  
城高二丈週三里城門有八南闢者五而正  
中曰嶽廟門東偏曰仰高門西偏曰見大門  
東闢者一曰東華門西闢者一曰西華門後  
闢者一曰後宰門凡門各有樓而角樓亦四  
東南曰巽樓東北曰良樓西北曰乾樓西南  
曰坤樓由岱廟門而上重門為配天次為仁



安再上為仁安殿露臺高下聯屬者二殿前  
兩廡之中為鐘鼓樓樓之後各為齋房殿後  
為寢宮宮左右為配寢其規模宏侈儼如王  
者居配天門左為三靈祠右為太尉祠祠前  
東廡別殿曰炳靈西曰延禧碑亭三其一當  
岱嶽配天二門之間其二對峙於鐘鼓樓側  
三亭皆為

國朝御製碑建殿前古松數十株蟠結偃蓋非  
秦安州志 卷之二 六

他境所有炳靈殿前則漢栢延禧殿前則唐  
槐皆特異雖良繪莫能狀銀杏大者圍三仞  
火空其中陰符經曰火生於樹信夫竒石玲  
瓏者九其上有古題刻知自遠方來奠獻者  
碑石林立其可為書法者張侍制滌書宣和  
廟記喬彖宰宇篆御祝文廟前有亭曰遙叅  
亭前為遙叅門門之前為御街宋東封警蹕  
之地而實為廟之第一門也舊榜曰草叅門



門中有臺臺上有亭亭重簷四面十有六角  
峻嶒綺麗昔凡有事於嶽者先拜於亭而後  
入廟故曰草叅今有司遇當祝釐於廟罷則  
儀從由亭門而出猶古之制也亭今列屏鑿  
方圓各一高六尺許鑿前雕座置元君像四  
方來謁頂廟者亦先拜焉故又曰遙叅亭云  
誠明堂在岳廟內之西延禧殿後凡朝廷遣  
大臣有事於岳者居之迎賓堂在岳祠東

泰安州志

卷之二

七

有司宴王人及大賓客之所御香亭在  
誠明堂後凡朝廷遣使齋香於岳祠先置  
於亭擇吉而後奠神垣周石刻名人詩文  
環詠亭在御香亭西周垣畝許四面皆石刻  
古今人詩故名有韓琦蔡襄范仲淹歐陽修  
石曼卿蘇子美林逋題識种放會真宮詩而  
放刻則湮沒不可見

會真宮在州治西南隅舊名奉高宮宋真宗駐



驛改今額萬曆甲午災僅存廢趾  
后土殿距州治三里許數松差巖岳祠亦奇古  
可愛

青帝觀在岳之南麓肇建不知何時宋嘗葺之  
國朝弘治正德間復加修拓宋真宗加青帝懿  
號曰廣生帝君真宗御製御書贊刻今尚存  
帝即漢唐所祀五帝之一按漢書及宋天文  
志青帝天神也而東岳屬焉此廟之所由起  
泰安州志 卷之二 八

三皇廟祀伏羲神農黃帝距州治三里許

天書觀即乾元觀今榜曰碧霞元君行宮在州  
城西里許宋大中祥符建史載天書降於秦  
山西南之麓即其地也

長春觀在州城西北隅女道士廢絕久之禪僧  
寄焉

白雲觀在州城之西北隅



風伯雨師廟在州治東按天文志風伯箕星雨  
師畢星也先是廟廢止遺一石碣成化丙午  
旱雩不雨或油然雨狀輒為風散知府蔡晟  
詣其所祭之風頓息大雨如注因復立廟廟  
圯知州鄭彖易以壇

三官廟一在治西閔一在治東閔

森羅殿左為閻王廟在蒿里社首二山之間有  
七十五司及三曹對案之神神各塑像俗傳  
泰安州志卷之二  
為地獄云

九

三靈侯廟祀周諫官唐宸葛周武又附祠岳廟  
按通志三人墓在高苑縣

靈派侯廟在州城西南漆河東涘其神舊名曰  
漆河將軍後曰通泉侯宋真宗東封拓廟封  
靈派侯

淵濟公廟在岳頂西南白龍池上有司春秋祀  
焉歲旱雩禱自漢唐已然



關王廟隨地而是惟在州治前者最巨麗有司  
朔望瞻拜恒於斯

張仙祠在關王廟之東偏州民之祈嗣者禱焉  
魯兩先生祠一名泰山書院在州城東南隅祀  
宋孫明復石守道其廢興具金學士承旨党  
懷英及

國朝大學士吳寬撰祠記

崔公祠在魯兩先生祠東嘉靖癸卯州民建以  
秦安州志 卷之二 十

祀前州判今贈京山侯崔公歲久祠廢今存  
遺址

二公祠在城隍廟西為濟南同知翟公濤青州  
同知王公簡建蓋二公署州篆興利除害咸  
異尋常故耳

冥福寺在州治岳廟、

谷山寺一名佛峪在州之東北五十里左為周  
明堂舊址其佳勝具金學士党懷英闕復及



杜仁傑記

竹林寺在傲來峰下西去州治十里

普照寺在凌漢峰下去州治西五里

泰山書院在岳南凌漢峰下舊為唐詩人周朴  
庵後為孫復石介胡瑗講習之地嘉靖間按  
察僉事盧問之創三楹妥孫石靈位尚賢存  
古蹟也

秦陰亭在州城之南宋真宗登封古蹟也巡按

秦安州志

卷之二

十一

御史吳從憲建亭有記

環翠亭在蒿里社首二山間登此北眺岱岳餘

三面則鞍牛徂徠諸山蒼翠環峙故名

萃美亭去州治十里金知州姚建榮建元奉高

尹王悟重修廉訪使徐琰記亭今廢記石移

置文廟

觀山亭前守李收建治宅之東壁間石記尚存

岱陰碑亭在乾封門東二百武侍御吳定建



對岱亭在社首壇之陰吏部尚書李戴巡按御史毛在同建

大神廟在州之南関

龍王廟在州之西関

文昌祠在靜封門上先在儒學義東置

于此

真武廟在登封門上

觀音堂在南関郭外

秦安州安 卷之二 三

三陽庵在岳之西南麓距州十五里

潜仙庵在岳之東南麓崑山羽人柴慧庵修煉

於此

按岱宗之勝甲天下郡以岱重故靈宇首紀

之其間亭祠寺觀或鏡題詠或存古蹟或

供孳眺而先代登封之槩與夫邦國之祀

典鄉人之懿範展卷在目焉噫偉哉盛矣

顧崇宮勝宇徃徃擅稱於昔而濇記於今



至有僅存其名者豈非葺之不以時而居  
守無專責乎今日岱廟頂道及諸宮室議  
修已久不免築舍道傍之謂則工役之艱  
且鉅也可見已目擊時事者能不動念於

斯云

鋪舍

總鋪 在州治前

城東六鋪

泰安州志 卷之二

王士林鋪 離州十里 郝庄鋪 離城十里 王庄鋪

離城三十里 靜封鋪 離城四十里 焦家林鋪 離城五十里

板橋灣鋪 離城六十里

城西五鋪

七里鋪 離州七里 粥店鋪 離城八里 新庄鋪 離城

三十里 道朗鋪 離城五十里 安駕庄鋪 離城一百里

按鋪舍之設即古之郵傳命意也廼今有圮  
者有為丘墟者有湮沒而莫可攷者置郵



之謂何盡則修之廢則舉之寔有待焉

鎮店

陸家庄集 顏張集 舊縣集 漸汶河集

時家庄集 故縣集 安駕庄集 張侯集

樂任集 孫伯集 北仇集 下張集 埠

上集 東向集 磚舍集 東牛集 魚池

集 道朗集 山口集 大汶口集 滿家

庄集 朱家庄集 房村集 香城集 栢

泰安州志 卷之二

志

子集 西界集 南留集 梁庄集 滑村

集 樓底集 山東集 山羊集 田村集

柳里集 放城集 柴城集 宮里集 謝

村集 北送集 茅茨集 旋樂集 窪里

集 范家庄集

興義庄 興龍庄 員外庄 安樂庄 富

果庄 旺泉庄 海望庄 盛院庄 馬黃

庄 新興庄 招民庄 懷仁庄 井泉庄



治安庄 善民庄 巨龍庄 溝南庄 龜  
陰庄 安興庄 富山庄 回馬庄 龍泉  
庄 牛泉庄 里林庄 雨泉庄 順店庄  
太平庄 盈家庄 峭峪庄 興泉庄 招  
義庄 漕河庄 鳳凰庄

按鎮店廼鄉民群聚處也群而居未必群而  
善也故有鄉約以導之有千百長以衛之  
而其不受約與不克衛者法有罰顧民間

泰安州志 卷之二 五

產薄而費穰易爭好訟廼又有輕去其鄉  
者何今日齊魯之民與周公太公之民相  
去遠甚耶則招復之法教化之機是在師  
帥者行之而已矣